

江西通志稿

第八五册

江西通志

卷一百一十五

文徵傳、行狀目錄

傳

晉

五柳先生傳

陶潛

1

梁

陶靖節先生傳

蕭統

1

宋

六一居士傳

歐陽修

2

周濂溪先生傳

司馬光

董隱子傳

黃庭堅

封位齋傳

彭任

元

趙撫州傳

劉暕

5

明

7

18

譚白泉傳

紀趙山南

貞婦竇孺人傳

王明珍傳

湯廷竹傳

廖徽君傳

吳孝子傳

鄧南溪刺史傳

萬二溪公傳

孝眼熊先生傳

贈太常少卿彭公傳

董觀察別傳

楊忠節傳

黃貞母傳

謝鳴謙

謝鳴謙

毛奇齡

何登棟

朱士珩

魏世微

魏禧

湯來賀

萬垣

李振裕

李斌

郁鼎鐘

彭士望

林元美

謝孝子傳

戴謨

劉歸田氏記

申毓來

洋和尚傳

曹章輝

姜處士傳

鄭日奎

敬元傳

鄭日奎

唐君蘋洲先生傳

曹國藩

民國

56

熊生季廉傳

顧復

行狀

宋

58

子國先生行狀

曾榮

濂溪先生行實

朱熹

元

66

彭九萬妻死冠本末狀


周震震

清

劉忠愍公死事狀

李源齋行狀

門人李其聰行狀



林有厚

謝文海

謝文海

晉 五柳先生傳

晉陶潛

先生不知何許人也。亦不詳其姓字。宅邊有五柳樹。因以為號焉。閑靖少言。不慕榮利。好讀書。不求甚解。每有會意。便欣然忘食。性嗜酒。家貧不能常得。親舊知其如此。或置酒而招之。造飲輒盡。期在必醉。既醉而退。曾不吝情。去留環堵蕭然。不蔽風日。裋褐穿結。簞瓢屢空。晏如也。嘗著文章自娛。頗示已志。忘懷得失。以此自終。贊曰。黔婁有言。不戚戚於貧賤。不汲汲於富貴。極其言。茲若人之儔乎。酣觴賦詩。以樂其志。無懷氏之民歟。葛天氏之民歟。

陶靖節先生傳

梁蕭統

陶淵明字元亮。或云潛。潯陽柴桑人也。曾祖侃。晉大司馬。淵明少有趣。博學善屬文。穎脫不羣。任真自得。著五柳先生傳。自况。時人謂之實錄。親老家貧。起為州祭酒。不堪吏職。少日自解歸。州召主簿。不就。躬耕自資。遂抱羸疾。江州刺史檀道濟往候之。因卧。瘠餒有日矣。道濟謂曰。賢者處世。天下無道則隱。有道則至今。

予生文明之世奈何自苦如此對曰潛也何敢望賢志不及也道

濟餽以梁肉摩而去之後為鎮軍建威參軍謂親朋曰聊欲絃歌

以為三徑之資可乎執事者聞之以為彭澤令不以家累自隨遣

一力給其子書曰汝旦夕之費自給為難今遣此力助汝薪水之

勞此亦人子也可善遇之公田悉令吏種秫曰吾嘗得醉於酒足

矣妻子固請種秔乃使二頃五十畝種秫五十畝種秔歲終會郡

遣督郵至縣吏讀曰應束帶見之淵明嘆曰我豈能為五斗米折

腰向鄉里小兒即日解綬去職賦歸去來辭徵著作郎不就江州

刺史王宏欲識之不能致也淵明嘗往廬山宏命淵明故人龐通

之齋酒於半道栗里之間邀之淵明有脚病使一門生二兒昇籃

輿既至欣然便其飲酌俄頃宏至亦無迂也先是顏延之為劉柳

後軍功曹在潯陽與淵明情款後為始安郡經過潯陽自造淵明

飲焉每往必酣飲致醉宏欲邀延之坐彌日不得前延之臨去留

二萬錢與淵明悉遣送酒家稍就取酒嘗九月九日出宅邊菊叢

中坐久之滿手把菊忽值宏送酒至即便就酌醉而歸淵不習律

江西通志高士里且

補

而蓄無絃琴。張每酒適輒撫弄以寄其意。貴賤造之者有酒輒設。淵明若先醉便語客。我醉欲眠卿可去。其真率如此。郡將常候之。值其釀熟取頭上葛巾漉酒漉畢還復著之。時周續之入廬山事釋慧遠。彭城劉遺民亦遐迹匡山。淵明又不應徵命。謂之潯陽三隱。後刺史檀韶苦請續之出州。與學士祖企謝景夷三人共在城北講禮。加以讐校。所住公廨近於馬隊。是故淵明示其詩云。周生述孔業。祖謝響然臻。馬隊非請肆。校書亦已勤。其妻翟氏亦能安勤苦。與之同志。自以曾祖晉世宰輔耻復屈身後代。自宋高祖王業漸隆不復肯仕。元嘉四年將復徵命會卒。時年六十三。世號靖節先生。

六一居士傳

宋歐陽修

六一居士。初謫滁山。自號醉翁。既老而衰且病。將退休於滁水之上。則又更號六一居士。客有問曰。六一何謂也。居士曰。吾家藏書一萬卷。集錄三代以來金石遺文一千卷。有琴一張。有棋一局。而

嘗置酒一壺客曰是為五一爾奈何居士曰以吾一翁老於此五
 物之間是豈不為六一乎客笑曰子欲逃名者乎而屢易其號此
 莊子所謂畏影而走乎日中者也余將見子疾走大喘喝死而名
 不得逃也居士曰吾固知名之不可逃然亦知夫不必逃也吾為
 此名聊以志吾之樂爾客曰其樂如何居士曰吾之樂可勝道哉
 方其得意於五物也泰山在前而不見疾雷破柱而不驚雖饗九
 奏於洞庭之野閱大戰於涿鹿之原未足喻其樂且適也然嘗患
 不得極吾樂於其間者世事之為累者眾也其大者有二焉軒裳
 珪組勞吾形於外憂患思慮勞吾心於內使吾形不病而已悴心
 未老而先衰尚何暇於五物哉雖然吾自乞其身於朝者三年矣
 一日天子惻然哀之賜其骸骨使得與此五物偕返於田廬庶幾
 償其夙願焉此吾之所以志也客復笑曰子知軒裳珪組之累其
 形而不知五物之累其心乎居士曰不然累於彼者已勞矣又多
 憂累於此者既佚矣幸無患吾其何擇哉於是與客俱起握手太
 笑曰置之區區不足較也已而歎曰夫士少而仕老而休蓋有不

待七十者矣。素慕之。宜去一也。吾嘗用於時矣。而訖無稱焉。宜去二也。壯猶如此。今既老且病矣。乃以難彊之筋骸。貪過分之榮祿。是將違其素志。而自食其言。宜去三也。吾負三宜去。雖無五物。其去宜矣。復何道哉。熙寧五年九月七日。六一居士自傳。

周濂溪先生傳

宋司馬光

周敦頤字茂叔。諡元公。道州人。以母舅龍圖閣學士鄭向任為分甯主簿。有獄久不決。公至。一訊立辨。邑人驚曰。老吏不如也。調南安軍司理參軍。有囚法不當死。轉運使王達欲深治之。眾莫敢爭。公獨與之辨。不聽。乃委手版歸。將棄官去。曰。如此尚可仕乎。殺人以媚人。吾不為也。遂悟。因得免。移郴之桂陽令。郡守李初平賢之。曰。吾欲讀書。何如。公曰。公老無及矣。請為公言之。二年果有得。後知南昌。人皆曰。是能辨分甯獄者。吾屬得所訴矣。富家大姓黠吏惡少。惴惴焉不獨以得罪於令為憂。而又以汙穢善政為恥。歷合州判官。事不經手。吏不敢決。雖示之民。不肯聽。部使者趙抃感於

讒口臨之甚感公處之超然及通判虔州拈字度熟視其所為乃
 大悟執其手曰吾幾失君矣今而後乃知周茂叔也熙甯初知郴
 州時拈及呂公著薦為廣東轉運判官提典刑獄以洗冤澤物為
 已任行部不憚勞苦雖瘴癘險遠亦緩視徐按以疾求知南康軍
 因家廬山蓮花峯下前有溪合於湓江取營通所居濂溪以名之
 拈再鎮蜀將奏用之未及而卒年五十七黃庭堅稱其人品甚高
 胸懷灑落如光風霽月廉於取名而銳於求志薄於徼福而厚於
 德民菲於奉身而燕及僇廢陋於希世而尚友千古所著有太極
 圖通書言約而道大文質而義精得孔孟之本源大有功於學者
 也掾南安時程珦通判軍事視其氣貌非常人因與為友使二子
 顥顒受學焉每令尋孔顏樂處所樂何事二程之學源流乎此矣
 故顥之言曰自再見周茂叔後吟風弄月以歸有吾與點也之意
 侯師聖學於程顥未悟因訪公公曰吾老矣說不可不詳留對榻
 夜談越三日乃還顥驚異之曰非從周茂叔來耶其言開發人類
 如此續增

董隱子傳

宋黃庭堅

董隱子隱於乞人從人乞於南康市中與酒無不飲未嘗見其醉連敗紙敝後前衣穿結不周腹背風雪人挾纊戰栗其面有孺子色視衆人之所嚴如涕唾人以世俗所重利要之不滿一笑也或祈嚮願聞其方則曰無能乞爾無它言皆玩人然狂而不悖高安劉格道純晚得之與為禮甚愿為置酒解衣衣之與言或時語不狂自道宿人年三十六矣熟視二十許人也道純得庖瘡如蓂蒿潰肌膚岑岑痛晝夜生數十隱子為和劑五日良已異日陰與方士約買藥煮丹砂期未至語不聞侍旁隱子又來飲起握道純手曰冶金鑄銀奔馬即死禍乞一棹酒行歌往曰歸飲吾同舍明日遣人問安留楹舍旁乞人去矣數日客見之於潯陽猶寄聲別道純不了其來之始其去以庚申正月十三日

封位齋傳

寓都彭任

位齋者任友人禹成濬也謝秋水文海講學程山其所平交為弟

子者健齋甘京繼之者

位齋也

位齋少程山先生五歲年四十二始稱弟

子位齋及維緝黃熙率諸弟子師事程山於二三亦厚期之故哭

位齋詩為最哀且表其為位齋作也初彭子躬庵以出位規位齋

由是以位顏其齋初南豐賦後未清維緝為進士同列起釐正之

位齋與維緝同師門又以選貢生亦鄉帥列狗眾請全入局中蓋

位齋長計算不厭煩劇於是賦冊一清數月中問難稽考手書心

計無間日夜飛詭弊絕勞與謗獨集於位齋亦不之辨也冊成亦

不以為功而豐邑賦後均平者至今數十年矣士大夫居鄉即親

民居要地多不問民瘼一聽蠱壞而從事講學者忽略世故寬迂

不切於用如位齋者足以見程山之學功能之濟瀾世而位齋方引

以為疚曰非時止則止之道也蓋從躬庵之規此位齋之學之進

也位齋年十四母見膏依於族伯母事族伯母如其母父初艱嗣

以鄰人子後及位齋之兄與位齋相繼生而為後者長貽乃父憂

位齋善慰解而曲成之。父病篤，祈天請代。夢狄梁公張睢陽諭以
父必不死，父果不死。胞兄早世，有女，位齋教之嫁之。如已女。崇正
十四年，位齋為諸生，久之欲棄去。家貧，食指衆，以教授資饘粥。棄
則絕其源，遂為選貢生。先後門人至數百人。既而執贄程山，亦為
排解紛難，無虛日。嘗會解，程山時坐席，屢起無厭倦色。位齋視他
人，大小事必應曰：「皆吾分內事。」吾學固在是也。然位齋竟以是病
矣。甲寅，同黃維緝避地蓮花山。山中樂侮，彌禍事日益煩。第四子
場殤而病，遂亟。丙辰八月朔，遂卒。時年五十有六。彭任曰：「任見位
齋體短小，氣弱而辭緩，其任事何其強有力耶！」捷齋言其直諫，懇
到，不能已，則涕哭隨之。捷齋一日縱酒，酒澆人衣，天未明，位齋厲
聲至矣。程山詩：「有時我過舉，進諫急忤忤，嗚呼，友安得如位齋者，
而與之居也耶！」